



JABATAN WILAYAH PERSEKUTUAN
Blok 2, Menara Seri Wilayah, Presint 2, 62100 Putrajaya
Tel: 03-8000 8000 Faks: 03-8889 7957
Laman web: www.jwp.gov.my

KENYATAAN MEDIA

YANG DI-PERTUAN AGONG BERKENAN BERCEMAR DULI MENYANTUNI WARGA WP LABUAN & MENGURNIAKAN SUMBANGAN NUR RAMADAN KEPADA PARA ASNAF

LABUAN, 31 MAC 2023 – Ke Bawah Duli Yang Maha Mulia (KDYMM) Seri Paduka Baginda Yang di-Pertuan Agong Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah bersama KDYMM Seri Paduka Baginda Raja Permaisuri Agong Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj berkenan bercemar duli berangkat ke Program Nur Ramadan Wilayah Persekutuan di Masjid Jamek An-Nur, Wilayah Persekutuan Labuan.

Pada majlis ini, Seri Paduka Baginda Berdua berkenan mengurniakan sumbangan Nur Ramadan berupa wang tunai kepada 100 orang fakir miskin di WP Labuan. Jumlah keseluruhan penerima sumbangan Nur Ramadan di WP Labuan pada tahun ini adalah seramai 1,350 penerima yang merupakan golongan asnaf, fakir miskin, ibu tunggal, anak yatim, orang kurang upaya dan golongan miskin yang akan diagihkan secara berperingkat oleh pihak Perbadanan Labuan dan Majlis Agama Islam Wilayah Persekutuan.

Penganjuran Program Nur Ramadan Wilayah Persekutuan ini dilaksanakan secara kerjasama strategik di antara Jabatan Wilayah Persekutuan, Perbadanan Labuan dan Majlis Agama Islam Wilayah Persekutuan. Tujuan utama program ini adalah untuk menyantuni golongan yang memerlukan di samping menambahkan lagi nilai kasih sayang dalam kalangan warga Labuan di bulan Ramadan yang mulia ini. Ini seterusnya dapat memperkukuh dan memperkayakan interaksi antara pihak kerajaan bersama rakyat seiring dengan matlamat Malaysia MADANI.

Keberangkatan KDYMM Seri Paduka Baginda Yang di-Pertuan Agong Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan KDYMM Seri Paduka Baginda Raja Permaisuri Agong Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj ke Program Nur Ramadan Wilayah Persekutuan ini mencerminkan keperibadian tinggi dan keprihatinan Seri Paduka Baginda Berdua dalam menyantuni golongan asnaf dan miskin. Program seumpama ini juga adalah selaras dengan aspirasi Malaysia MADANI yang menekankan nilai ihsan dalam mengeratkan ikatan ukhuwah, persaudaraan dan menghargai kehidupan serta masyarakat sekeliling khususnya warga Wilayah Persekutuan.

Disediakan oleh:
Bahagian Komunikasi Korporat
Jabatan Wilayah Persekutuan
31 Mac 2023